



三
卷
一
第
一
章

文林郎知西華縣事宋一恂重修

藝文三

李貞婦傳

教諭 張月桂

貞婦姓寇氏西華里民寇璽之女諸生寇得名之族女弟也婿名黑兒初氏未嫁時黑兒甚無賴靡所不爲氏父耻之謀於氏母欲更字女氏知之涕泣累日不肯從命走告族兄得名得名給之曰李氏子不堪與婚婚適辱吾族且未與醮更字何害氏矐視良久曰兄言真耶婿之賢否命也今旣許之義無可改兄讀書人奈何亦爲是言得名揆

西華縣志

卷之十三

藝文志

氏意堅乃曰是哉是哉吾爲汝止叔父以成汝志得名詣璽言璽不聽得名爲氏畫計令以死爭氏遽自縊氣將盡母救之甦越數日復縊母復救免如是者三母大怖轉訴氏父度女終不可奪遂寢前議旣黑兒益不謹氏聞之嘗竊嘆每獨坐則潸然淚下然志終不移無何歸李氏甫半載黑兒遠颺數年音問寂然或謂已死矣氏父母自李氏子出取氏至家共炊爨及黑兒久不反復謀更嫁氏氏厲聲曰女未嫁不再字旣嫁不再醮今爲李氏人久矣父母不能主也怒與析居晝夜績紡易薪米以自活一絲一

博覽十有七年黑兒自外有劉龜德寇氏志錄
留黑兒誨諭懇款黑兒頓改行今與寇氏並止盡儒家

馬烈婦傳

邑人 李百川

烈婦父爲西華編氓隱匿田澤間烈婦固庸家女生而端
莊八九歲言笑舉動不妄目無忤視人謂性體沉重未甚
見竒十二不輕越戶闔女工極精巧創自心意老於刺繡
者遠遜不及敏慧達大體幽閒靜雅燕居家人未嘗聞笑
語隣婦不入其室則不見面人服貞淑焉十八爲徐自新
箕帚婦徐亦閭左無厚產服役於邑已而疾篤憂悴曲局
屏膏澤日夜奉湯藥久之徐自度不起謂馬曰我天數在

西華縣志

卷之十三

藝文志

二

斯若困貧苦有年無弱息可倚當他適幸自愛馬嗚咽泣
數行下指一繩曰君果不幸以此殉君徐佯稱善心疑非
信馬知其不信卽自縊徐亦起同縊家人覺俱不死復極
力調養猶冀旋霍數日病革從容治後事語匠者大其棺
父母知其將殉欲姑悅其意而勸諭如言大之馬患防守
強和悅若不欲死旁有竊議者曰異哉馬氏女往求同死
今不然豈其不誠於徐氏子哉馬則勺水不入口三日矣
殮畢益極側家人覺不死泣曰我必與徐郎同棺早一日
卽一日快惡用是徒令我心楚也諸父兄弟

徐郎縊已矣若必

倏忽耳若命會有盡時其徐郎地下未晚也馬點首不應
久之愈嚴遂舉田地房舍器用衣衾之類盡散諸人養女十
餘齡已字令迎去示必死意又經又解仰天痛哭曰何不
亮我至此也後數日爲墓期佯爲送葬殊安閑防者稍踈
經園樹而死徐樞猶在中庭啟而同載死之日都人士斌
斌如林往來道上稱馬氏女太息不佞聞而悽愴不覺淚
下嘆曰馬氏女庶幾稟天地之正氣哉徐氏子以天年天
折馬賦相舟無外心他腸則所謂勸者之言是也乃竟至

西華縣志

卷之十三

藝文志

三

再至三必死而後已百折不回從容抗慨如烈丈夫所爲
者丈夫讀書明道述馬則何所聞而興起也方徐之死邑
大夫欲以一金助葬傳語之馬曰輕身入公門乞一金爲
貞婦事耶敬謝大夫我必不爲也利不爲誘男子猶以爲
難自古有死馬之死可謂不死矣嗟乎貞白之義邈焉式
微精誠日益淪沒卽世所稱丈夫而二三其德自古有之
矧婦人哉婦人身事君子朝脫衰絰暮爲容華覲面事兩
姓此其平生何異狗彘能如馬氏女甘死如飴哉智伯必
報襄子五起而伏劍馬氏女四經而後死蠶爾女流無忝
古之國士是豈一朝憤氣所激蹈白刃剖心決腸不察

義之當否者乎烈矣哉馬氏女在朝當書信史在野當書
淳史不佞懼草莽之間易於湮沒稍爲傳紀以俟後之來
者

理安和傳

邑人胡倣

蓋自理寒石先生耻與李自成同姓姓理氏而西華之理
氏大著云理安和者字賡唐生員理有德子寒石之從弟
也生數歲而孤從寒石學學最力寒石出爲蘇州推官而
安和不仕李自成寇河南破西華得安和竒其狀曰秀才
耶安和詭云不識字賊乃使之擊析安和夜燃火出袖中
所携書讀之手仍持析擊且讀賊以爲擊析耳居數日賊

西華縣志

卷之十三

藝文志

四

使毀民禾方擊析若不聞賊怒拔刀加於頸仍擊析不已
賊乃舍之去當是時寒石已爲兵部郎監虔州軍而我
大兵下虔州寒石死之安和聞之哭曰嗚呼固吾之兄也
夫卽急走訪寒石母若子之所在而寒石子習已奉祖母
歸安和迎於家事之如母習故爲蘇州營副將至是又出
將兵死於陣子省三才數歲安和教之又分之田省三最
知名而安和日閉門讀書不接人事順治丙戌其友勸之
科舉不應固勸之勃然曰爾以我讀書爲科舉計耶卽脫
其所戴冠曰吾烏用此爲哉手裂之擲於地友大驚踉蹌
走乃徐笑曰快哉吾爲天地敵人矣卽自除其生

真籍曰飲酒大醉狂呼怒科既而嘆曰果兒不學也
當世卽當萬事不關心耳於是盡束其生平所讀書及手
抄諸秘本五千餘卷金石文拓本又千餘卷鐫於一室袖
中但存殘書一卷不暫釋人竊覘之則老子道德經也晚
與良邑岫雲二李公游頗好爲養生家言所著有日記一
卷性命圭旨解若干卷等字一卷藏於家弟貞和字閒雲
亦從寒石學一時遠邇文人鉅公交寒石者皆交焉以文
章氣節自負聲名蔚然率爲後學取法卒於鄆所著詩一
卷

爲山先生傳

邑人 張遠覽

西華縣志

卷之十三

藝文志

五

爲山先生者姓周氏後寄籍楊氏而字爲山學者稱爲山
先生云先生淑之祥符人父聖化由進士爲定海知縣先
生隨之定海則從沃先生其章學繼遷知秦州則從楊先
生化貞學兩先生者敦本尙禮修明聖經屏絕百家其文
章渾灑樸質力去浮詞而先生之學遂成當是時西陲方
用軍上官飛檄促軍儲多額外之供公以秦州不能應罷
官累帑金數萬客於秦不得歸先生乃北走燕趙南游閩
越求償所累官金顧十餘年終不可得而秦州公及夫人
俱歿於秦州秦州去汭三千里謀歸葬又不能於是留姪
炳青守祖父母之柩而已奔河南謀所以葬親者又十餘

年始克奉秦州之德葬於西華於是先生年六十矣僦屋以居敗瓦覆垣徑茅蒙蔽閉門著書不通交游所友者先君子及張先生文齡可庭胡先生澗澄波王先生隆照怡亭錢先生廷文樸安四五人而已而四五人者皆先君子友也先生嘗痛其親遭患難以歿故終其身素衣冠歲時不使兒女拜賀又九年卒年六十九卒之時索筆書遺囑家人環立各付以事語皆忠孝大節語畢正冠帶而逝生平所著詩古文詞若干卷曰瓢斟集在秦州著隴西漫記一卷在西華著西華志四卷晚年著易說二卷先生名安辯初字巽行蓋嘗爲貢生云子仲遠早入泮補博士弟子西華縣志

卷之十二 藝文志

六

員壬申 恩貢癸酉舉鄉魁

後學張遠覽曰遠覽四五歲時侍先君子見賓客時爲山先生鬢髮已皓然矣先君子曰吾友不過數人皆汝他日師也惜汝不及見可庭耳爾時卽心識之曰某先生某先生不敢忘比先君子歿遠覽才九歲日日見爲山先生先生每手携之視余泣下曰故人之子也此年十六始得受學於胡先生明年胡先生歿又五年王先生歿今惟錢先生在耳蓋得聞爲山先生之教者最久而先生又歿然而諸先生之德容道貌如在目前也今畧著爲山先生之事如此嗚呼是益觸我失怙之痛

也夫志中並據小傳所載立傳大傳中事實已錄無遺者不載小傳至於事實之外尙有可觀者并載傳於此

寇孝子傳

教諭 張月桂

寇孝子者諸生寇得名也家甚寒以舌耕事二親甘旨必備遇空乏腹常餓不缺於親冬日披單衣五六月或服緼袍溫清必以時父卒事母益謹館於外去家或遠不能朝夕依膝下居常怏怏不快每月必數歸省祈寒盛暑無間館穀所入咸以奉母不敢取絲毫為紙筆費中年喪妻無子欲再娶母止之曰爾既貧孰與而婚婚將議財爾能於奉母之外更有餘貲以諧爾事乎毋庸弟子即爾子也生

西華縣志

卷之十三

藝文志

七

聞之遂不娶弟某頗不恭生待之和或有惡言無所校初生館外聞母病倉皇急旋底家母已垂危生視之一號仆地逾時不省家人握手足共救之既甦淚下如雨哀禱不絕口匍匐榻前連呼母曰兒來矣兒來矣母睛遂轉動鼻息漸有聲尋愈自是生館常近無復數十里外矣生家既貧父卒十餘年不能殯及葬哭泣如新喪哀音動人相禮者皆揮涕各俛首不能相顧禮不克終余蓋聞之金生志善李生浹王生紱云

李壻傳

傅元儒

華邑貢士曰李壻字鎮

公更僕數公雖善自稱將然採風者咸欲訪其事蹟傳諸
編簡用以勵當時而垂後世公父諱國棟字公柱考授州
判職母傅氏生坦及塙與公而三析居華之北柳城寨生
公孝友年甫五六歲卽善伺父母顏色親有喜怒輒視聽
隨之每一飲食必讓之兄長或有嗜好亦未嘗以愛故爭
便彬彬雍睦之儀蓋自總角時卽不啻成人比長力學尤
嫻禮教入孝出弟人無間言公之伯父諱國棟字公彌侯
補州同嫡妻金氏繼嫡王氏皆無所出卜宅在城伯父抱
病公以尊父命承嗣是時年幾弱冠矣遣公往欲行公再
拜於邑晞噓泣不能起於是公之生母泣公之生父亦泣

公之承嗣長門也已不及事嫡母金氏繼嫡母王氏染病
公與夫人李氏朝夕親侍湯藥竟月不脫冠帶於是公亦
染病然終不致言猶強起侍奉左右及母病愈而公病亦
漸愈如是者再而母卒未之知也自公出嗣後數年長兄
次兄相繼病故惟次兄有一子尚幼公痛生父生母之誰
與扶持也起居朝夕之誰與承顏也且鄉城遙阻而彼此
皆不忍少離也于是匍匐往來日夕不遑自逸用以怡生
父生母以及嗣母之心嗚呼明發不寐有懷二人世之純
孝而能如公者有幾他若公之積行皆赫赫照人耳目聞
蓋其德於衆取與義寡欲好施每不量力而濟人之急者

西華縣志 卷之十三 藝文志 六
人實利賴之鄉也士大夫莫不加敬邑侯嘉其
行旣旌其額曰積善之家又詳請上憲請載錄彰善坊昭
其德也華故有宜濟堂鰥寡焚獨常依息於其所堂久頗
廢公乃踵而修之繕垣緝墻躬自董率曰無使風雨暴露
之不時而傾覆以重顛連之害邑有書院在城之東附學
宮之北誌者曰此疇亭夕照所也或曰箕臺夜讀亦卽在
此向無房垣迄今堂宇環列多士以時歌咏其間伊誰建
修則僉謂李先生鎮夫之力華地窪下時遇河水溢大則
繞城而販賣者絕於是糧價騰湧民不堪命公出積粟以
糶且白諸里人曰吾減價重民困也非敢邀譽城北素受
災水災坡溢則泛濫停蓄乎田間數月弗能去環其地者
不獲有秋公乃倡計挖溝導入于河民嘉賴焉至或歲一
不登民飢離散慨然發粟煮粥而拯流離于塗炭者則又
先生之餘事今夫席豐履厚之家莫不欲歛財以自富瘠
人以自肥朝夕會計而身安逸樂尙猶患貧雖在親戚
近欲少分所有以濟緩急輒介介然有難色而不可得矧
欲捐囊橐罄斧資不自量力迺爲鄉里都邑作仁育義正
之舉殆憂憂乎難之而先生何乃如是耶昔者邑令劉公
以忠烈爲華人世祀迄今百有餘年將事者常恐不給於
皇先生又復捐納祭田以備春秋時獻夫捐田則已難矣

先生重德先生其誠之心為無窮也

鄧子玉傳

南蘭 管應燧

鄧子玉者華之平順里人也字楚珍性嚴重寬而有制惠而能散敦倫飭紀秉哲不回識者以為肅穆有高人之格鄧氏世有隱德至公恪遵庭訓尤以善行特聞公少染性疾及數歲乃獨行慈親隱憂之比長常切訓公曰汝隻身耳且弱弗慎壽不汝必也母嗜慾慾身之斧也母恣口腹母狗耳目之樂母大醉大醉者傷神母苟言母苟行言行兒孫之表也淑爾儀慎爾止庶昭令德以示後昆後昆於是乎戒懼而不敢易紀律是訓也公耳熟焉而因以省於

西華縣志

卷之十三

藝文志

九

身示於家施於宗族播於鄉黨而浸以流聞乎邦國公今年逾八旬春秋則已高矣生平每遇賓筵未嘗一醉至歲時祭祀必躬親之事亡者如事存曰愛曰敬慕如初鄧氏子姓蕃衍公重本源爰修族譜鄧氏族中貧乏公懼祭享不修廼設祭田族有不給於婚嫁者量財而與若笑獨無依則為之營立居室他若難則救危則扶睦媼任郵俾隣親之被澤於其躬者不可更僕數是公之善行鑿鑿永言孝思聿修厥德可為宅里之表率者如此乾隆十八年

卷之十三

藝文志

請祀理學和公狀

張仲清

皇爲公舉忠烈先哲懇恩轉申俯准奉祀以式風教事
維大丈夫之徽踪掀天揭地真豪傑之芳躅爛古燦今英
風如生正氣不泯本縣明崇祿壬午舉人理學和學者稱
寒石先生其先李姓耻與闖賊同姓遂更理姓學者嘉
其賢譽齡家貧不屑人憐苦行樂道自成一子售中州高
第出爲蘇州司里平反允當多所建立隆武初改長行在
兵部職方司主事奉命檄虔兵旣至而虔亂城亦遂陷度
不能濟乃墮城以殉考其生平自幼而壯而老崢嶸豪俠

西華縣志

卷之十三

藝文志

十

之氣光日星而麗山河讀其著作由詩而賦而文奇掘傲
兀之才泣鬼神而驚風雨所撰有腹園遺草沙水需言虞
華集呂左升傳鄭烈女傳等書雖薄蝕已久散帙遺編不
無亥豕魚魯之誣而灰燼所餘片錦半豹皆有琮璧

之色藏名山而傳其人常留鳳彩備輶軒而登柱史野會
龍章芾思忠魂茫茫白骨與青燐俱化夜臺渺渺碧血隨
白露齊湮抔土無依精靈何寄今合學公議招魂置土深
仰止於高山捐貲修祠奉俎豆於桑梓復思幽光潛德必
須大人之品題而春祀秋嘗當有後裔之供奉緣此公舉

李崇少年老成不愧賢祠叩乞本縣老師周維中

嘉禾太宗師錫之匾聯採藻煥龍蟠之潤淮給奉祀恩光
流河漢之波則頑廉懦立感激於風俗人心而義士忠臣
鼓舞於天下後世矣爲此土呈

題跋

王仲雲跋

邑人 理鬯和

余所聞見當代賢豪長者無踰吾里仲雲先生先生始與
余太父交中交先嚴晚交不肖鬯和忘年忘分忘學骨肉
金石未足形似風雨鷄鳴元有感通鄉曲盡知之亦不盡
知之也花月佳時或先生過我或我過先生載酒篝燈不
覺遂歷晨夕此余遊學四方與先生有經時之隔欲將近

西華縣志

卷之十三

藝文志

十一

日疑義辟呬謔次而先生已棄賓客不及永訣爲余生平
一恨適用拙昆弟屬有丹石之役知己之痛余不自解其
感涕何從先生高致隱行更僕難盡以自爲誌銘故無所
激亦足見先生之澹於獵名矣有友五人前後俱歌薤露
迺鬯和以貞疾不死得睹先生斧房之成但老成凋謝虎
賁渺漠發言莫賞抱恨人琴自此鷄鳴風雨與花月佳時
吾將與何人暢敘幽懷是則爲恨又不但永訣之闕已者

寒石先生漁鼓詞跋

邑人 楊安辯

康熙乙酉余甥館於西華觀察王公始得寒石先生漁鼓
詞讀之忻然意有所會因訪先生生平行誼於華之耆舊

夫抵所艷稱者易如蹈海及殉明國難於虔州二大節或以其生或以其死莫定其詞而恒以禪病酒狂惜之然予浮光掠影未能定其爲何如人也由是每讀漁鼓詞輒有一寒石先生往來於心目意會間洎乾隆壬戌內子厭棄塵煩先生反璞余據藜居困時取周易消磨餘年始恍然如見我寒石先生而並有會於嶧山叟上下與天地同流之語良不余欺也昔程子聞嵩岳董山人之靜修往訪之塗遇一老者管蔬菜歸程子問故答云今日有客來訪故遠市程子訝曰何由先知云客來時氣魄甚大於此亦可見學力之所至各有分量氣類相感自默相契合而要未

可以膚聞游見者所能窺測於萬一也最後聞先生初不慧後發憤閉關靜坐一月眼光湛若秋水讀書遂過目不忘其功終身不廢嘗一日靜居其侍姬潛匿室中窺之夜半見巔頂火炎炎起姬驚以竹枝拂之火突熾三尺餘先生亦驚顧爲姬出之戶外囑曰後此慎勿爾性命圭旨云三花聚頂五氣朝元爲九轉丹成之候其元神可以出入自由意之所之雖千萬里無難瞬息徧歷由此思之先生殆仙矣乎然則虔州墜城殉節者特其棄羊裘以蟬蛻也樽海而爲高麗王師者乃其神遊所至以示無生之妙用也生死初無異致兩說皆可通以見爲聖爲神祇此

日用食息之常初不必求之於虛無縹緲乃爲
極至也昔孔子稱老聃爲猶龍先生將無類是如是而然
以膚詞淺見窺測之此先生之所以湮沒於世俗悠悠之
口也嗟夫以先生之學品地爲河嶽在天爲日星猶復如
是然則鏗采發光隱約終老於蓬蒿之內者又何可勝道
耶余偶見及此故綴類語以竊附知己之列先生其許我
否乎乾隆丙寅春王六十九據藜老人安辨跋

題金氏旌節錄後

邑人 王雲明

古今何以有聖賢豪傑常存天地間不過此人生數大事
爲孝子爲忠臣爲節婦相與布武接踵綿綿延延以維持

西華縣志

卷之十三

藝文志

十三

不絕耳由來忠臣孝子載在史冊照耀人耳目間猶赫赫
若前日事可考而知也余第弗深考節婦節婦亦未易一
二僕數大都不離乎從一而終之死靡他者近是余因之
有感矣婦人死節非難而守節難守節固難守節而撫其
孤於前後承繼之際俾無幾微遺憾爲尤難假令一爲未
亡人而遽投繯拒飲不顧餒人之鬼斬人之嗣此見女子
一時情至之事聖賢豪傑知之而弗爲也惟是於萬死一
生中指青松誓白水毅然卓立皎然不欺其志必期濟乃
公事而後可以死而後可以死而不愧其死而後可以死
而一如其不

王家金太母出自名門幼婦備主著爲嫡年方笄而著
亡王氏門衰祚薄其公姑伯叔兄弟蕩然無復存者止遺
一側室子長名之幹此日之幹方週歲甫就口食未離襁
褓而生母亦亡王氏之不絕一線者止此呱呱孤子煢煢
一身耳先澤所遺僅中人之產朝不給夕內而拮据卒瘞
恒於斯外而矚室與戎恒於斯太母曰甚矣憊是誠予之
責也夫是誠予之責也夫吾死則此子必死此子死則王
氏之血食斬卽天不遽斬王氏血食倘此子不繩祖武不
讀父書卽不死亦死吾其以一身爲王氏母爲王氏父爲
王氏師爲王氏中興主爲王氏稽覈督爲王氏禦侮臣爲
西華縣志

卷之十三

藝文志

十四

王氏奔走僕當不獨爲王氏婦也如是三十年公事濟矣
而乃含笑而逝試回思三十年前二十載餘嚴霜烈日冷
風淒雨不知幾經摧折幾經拂抑歷盡人生千蛇萬蝎之
味而後乃有今日也自非母心鉄石使鬼神無權者何克
當此勝任而愉快耶今其子儼然佩服儒林爲皐比坐知
名士讀禮三年哀毀有如一日每念太母之罔極深恩輒
以爲未答涓埃不知所報爰是遍謁吾邑官長縉紳哀乞
一言以光泉壤意以太母之潛德幽光不至湮沒而弗彰
卽立錫食貧餬口四方不計也太母至此死且不朽矣

西華縣志卷之十三藝文志十四

也節孝並著於一家簡而謂聖賢象德存天地
不至離教廢墜者是耶非耶以視當吾世而不少聞慶之
家統禱之子坐擁神父之遺乘聖策肥夸耀閭里至問其
養生送死非不燦然可觀究其實具文而已其於呼天踰
地披誠灑血不能竭力而必竭力力已竭而猶以爲終未
能竭者其賢不肖相去何如也嗚呼彼獨非人子也哉余
更有所感矣余幼失怙恃與王氏巔末畧同亦迫欲表章
吾親之潛德幽光於萬一竊有志而未逮也王氏其教我
矣我其拜下風矣故不謝不敏和淚濡墨而爲之跋

駢體

西華縣志

卷之十三

藝文志

十五

代季千里與某公啟

明
理學和邑人

伏以龍奮躩踞五雲騰河山魏煥鳳吹節足紫氣映日月
昭回典朝端在个臣羣瞻北斗大業誰真匹耦獨駕南車
望光塵而曳心溯顏行以歸命恭惟台臺靜悟泰天元心
破象驅禮樂兵農於壇坫囊括千秋羅義皇虞夏於琴尊
神包邃古續春秋而作史衮鉞嚴一字褒彈滄溟夜以蘸
毫丹漆壯萬年氣色息來六月垂天雲翼翩翩佐此中興
浴日嘉猷嶽嶽爲之兆也聊借鶴禁清班學焉臣之行古
螭頭黃閣僕陸莊慚報每懷泥塑春風范鉢空傳未鑿江
環華雀碩果得與會看一人定國將黃衣賜履三

報錢相公

前八

恭惟老親家台臺歷朝元老當代達尊標三百年揆席出
斗手握坤軸傳千萬世微言衣鉢學見天心當其垂紳正
笏在朝中外豺狼斂跡迨其尋山問水於野古今風月全
收嶙峋天半蛾眉四海想姬公之再相著述價分麟筆六
經扶仲尼以中興居然人表元圭豈但山中宰相僕兵火
餘生嶮巇晚照飲恨射遠天西鄙靖烽何年建牙在近郡
東吳壯心未燼龍門密邇擬托雙鯉於春波寶札聯翩恍
通遙情於渭樹高懷在美人錦繡而外奚但百朋佩結鏤

西華縣志

卷之十三

藝文志

六

神室肝葉之中感深五夜謹完趙璧爰托吳鴻

為胡烈婦徵詩啟

淮寧

錢廷文

從來蓋臣事主恒逢板蕩之年淑女從夫易遭軻張之日
要其稟幽閒之性嘖笑靡愆斯以仗清白之操初終不易
蓋從容就義志不安於偷生而慷慨投軀情豈激於一日
九嶷不返女娥則灑涕於貞筠百年難歸斛律因奇情於
寶玦是則標釵笄之令範無難媿彼前修緬閨闈之流風
允足式茲末俗也西華胡烈婦者鍾郝高門子姜望族
芳弗御類繡班惠之書象緯就窺略似李尋之術廣西始
退乘之旨念彼

衣之歲雅嗜縹緗亦越商阡之年彌稱淑美其歸胡
寧也懋蘋蘩之婦德不侈華容作窈窕之女師何心盛
借淺深以明志不辭黽勉之勞託杆軸以言情願勵就
之業夫何虺蛇有兆方徵女子之吉祥遽已冥眈無期
待良人之疾疾蓋胡子一嬰寢瘵欲入雲峯屢染沉疴將
遊岱嶽燈前轉塵懼罹天闕之災杯底吞蛇竟至彌留之
會爰乃慰陶嬰以苦調念爾尊嫜握荀采之輕袿憐茲弱
息而烈婦則乍聞誣諉未免經營不分絲蘿遽成捐背撫
懷自惋恐難依東海之姑敷衽陳詞但願乞西山之藥儼
玄齡之令婦媿眼曾枯擬子敬之諸兒薄軀可代而無如

西華縣志

卷之十三

藝文志

七

命途綿繡偏催李賀之才神理微茫莫問劉惔之禱地下
有長眠之客人間留永訣之情怨毒何多悽愴斯極斯時
也風寒繡闥空臨魏溥之棺月冷總帷但掩秦嘉之鏡縱
使哭殘睥睨末由還墮海之珠假令泣盡瓊瑰何處覓藏
舟之壑苦初易錦便萌投帛之情旒欲飛丹早作捐生之
計不逢匍匐之救幾爲冥漠之君舉此一端足當千古既
乃披靈衣之肅肅未忍孤孩望修壟之峨峨造悲獨且不
煩懸鏡已能鳴弔影之禽寧待鼓鐘始可眩避風之鳥叔
稱王湛相傳慰藉之詞父乃崔陵亦有嬋媛之意類飄風
之過隔辛苦何爲

竹重照榻之星未若含烟青箱卒繼英膏之暮然而
補天之微尙吾道豈非捲匪席之初心人言奚恤雖姑
待養可無朝夕之馨女亦當慈斯乃門楣之愛而臨啼已
水只歸望帝之魂夢繞楚天每逼將軍之墓心之憂矣秦
蠶吐寡女之絲室是遠而夜月照貞妻之石茫茫碧海甘
爲精衛之銜歷歷素榆俄見女媀之隕蓋當雨絕雲垂之
候未變好修若及天荒地老之時遂輕生戒心如古井和
顏而申禮義之防賜若沸湯引領而就幽冥之路人方謂
織紵之節可蒙太守之金我早知寢息之憂定值新城之
廟嗟乎問冥鄉之契濶約有十句迴綺戶之綢繆曾無五

西華縣志

卷之十三 藝文志

六

載郎名蕭史還吹匹溢之簫女字醜英仍鬱葳蕤之鳳由
來烈女生原以冰雪爲肝在昔賢妃死定以椒蘭作佩弱
顏的礫何知否泰之榮媵節雍容不艷山河之賞亦有褒
嘉之典聲聞明聖之時欲闡幽貞須資揚挖所期聘妍抽
秘怵下土之貞魂擷秀拳芳播昌朝之雅化庶幾瓊敷玉
藻年年傳幼婦之碑將見錦帙牙籤處處拜仁人之贈

祭文

祭徐承旨文

元 李之紹

維大德五年春二月辛卯中書平章政事賽典赤等謹
祭於故翰林學士承旨徐公之靈嗚呼古人有言八材

論賢達世永歎才真

長見於治功出入中外曰亦有歲素多滿帳歸寧帝治渾
渾周誥我其見之謂謂廷議我其遂遂之
慶孰云其去有不惆悵君子之德
遠為超劃爾歸盡噴噴稱道身之遺
哀匪哭其私國之遺老我寧不

祭西華金太母文

百城 湯案

徽寧兵使者西華金公陳疏乞歸養
郡士民塞道攀號不可得越明年太公太夫人後先卒於西華縣志

卷之十三

藝文志

一

家天下聞之頌西華終始大事得盡為人子我宜之民在使者生成中跣言紛若矣宣有陳人湯賓尹舊為使者同年友為太公太夫人年家子於時捷門辟責人間慶弔之音杳邈不聞逾時有吳兩生伯敷告我慶以告相與裂帛為牘乃副之詞曰古語有二云蘭木馨玉生堅種靡靴而獲嘉釐有開其必先之皇發備大人之九行帝殷顧乎豐芭屬人命以旬宣郡增轄而六之亦云共戴乎一天秀民開以道德罷民錫以生全眾父父而眾母母併歸福於所親人各增夫一紀聲齊祝曰萬年赤子爭命於乳哺此君靈念於融鹽危旄車之甫陳那毫倪之研筆

今齏指樂洩洩兮承顏釋方維趨庭序易金紫卽班爛
襄浣而庚忠髓哺而彌鮮提兒孫以就弄敘樵牧以資
權幕休祥於永日叶靈黷之蕭烟尊備三而統達福咸五
以徵完織江南之士女勤信使於平安論二老之強食額
我公乎加餐考物氣之雍和盟長泰於坤乾胡鬱儀之匪
期趣結璘於正園酌南斗而偕往指西方而大旋撫不易
之一日如可贖乎百身單厚終與維則亦佳事之孔編
遠邇之杯竿藹充間其紛闐矧恩勤之不寐時有動於心
痛夫何炙絮之不以辰沸入事之中煎洞今昔之存亡託
繼體於名賢惟公私之懃蘊藉薄號以告虔

西華縣志

卷之十三

藝文志

三

墓表墓志銘

劉善夫洎配袁氏墓表

明徐卽登

予素不喜諛墓下人茲閱劉生可久所爲其先人狀中有
兩大奇事因取而表出之按劉氏之先世居西華乃父世
揚以幼穎垂髻與其弟世立同補邑弟子員嘗通試首冠
千人一時聲稱藉甚然性剛介不苟徇族有娶與人私者
卽率族衆禁絕其所私故陳捕快遂挾忿誣公及族衆夜
搶其家財逮擊者凡十七人公率族衆直至於州州官惡
其慙直遂主先入徑以強盜坐重辟死者已二人而公亦
負危數矣有門徒董文經者挺身爲屍於學

書明蓋吾豫章洪溪裴公也董生願以死白師之愛裴公
必其誠乃著其詞而下之州曰一夫含冤三年大旱以
私忿致十七命於死地豈不上干天和乎適裴公報陞能
省恐其終寃死也乃亟取獄案親審悉釋其械繫以屬司
理豁之公竟除士籍從戎業三舉於鄉矣乃裴公來觀察
中州又復公爲庠生未幾開封府於茲捕前誣公者悉抵
之法士民咸踴躍稱快而劉氏至今合族祀裴公於家而
董生業食廩於庠有年矣天道昭昭信不爽哉徐子撫而
嘆曰甚盛哉裴公之德而董生之義亦足嘉也昔于公治
獄民賴以不寃陰德遺於子孫夷門侯生不難殺身殉魏

西華縣志

卷之十三 藝文志

三

公子之急人共義之今裴公解劉氏寃獄不遺餘力卽於
定國不啻而董生少年輒以身許人不少惜視老夷門義
氣更過之兩者於世不少概見斯不亦大稱奇哉予欲表
之以風世故據狀而稱述之若此公名世揚宇善夫事母
以孝聞侍母疾不解衣者兩月平生丈大義爲人解紛難
不責其報家徒壁立筆耕食力怡如也厥配元馬氏無出
袁氏爲可畏可大可久母袁亦稱賢相夫事姑撫遺任
無間言以窮冠而聯捷武闈可久以青衿卓然眉

春官廷... 入業北雍季春偶遊甘泮應庚辰貢進
先... 翁聞之不安寢食命孫奇才輩具騶從在迎席珍還
仲夏抵家長幼兒孫聚首相擗而感亦隨之竟醫不收功
考終正寢安厝有期異才輩具狀求誌銘於予予按狀王
氏世業西華席珍高祖克明建文時昌邑令繼任臨淮令
忠節崇祀曾祖景茂甘隱弗仕祖子良任興化承克承先
志詩書衍派家世甲於宜陽乙亥冬予承乏茲教席珍日

西華縣志

卷之十三

藝文志

三

侍左右容止莊重言論篤實隆師親友冠於多士精治葩
經士多授業於門下顯述制作理到之言也若翁春秋高
邁隱德備著為鄉飲大賓席珍承顏順志克盡子職大孺
人劉氏先逝席珍哀毀踰禮事繼母張氏敬養益至宗黨
誦孝稱誠以敦族信以孚友恩以恤卑幼事上接下秩如
也夫席珍德修行著學富名成宜享遐齡以收令終之慶
惜乎天不假年一疾弗起命也訃音至予與同寅在哭之
潛然良久有聲徹天子曰非夫人之為慟而誰為之慟
於席珍也君生於成化丁亥四月十三日卒於正德己巳
九月念一日享年五十有五子旣誌而名之曰

愛其工而又深嘆其才之捷也辛丑改授神農省推官
賦之法以垂太平疏通用人之法以佐敬天尊提差定
制敷陳勤切天下賴之旋奉

視秦中茶馬部議增引二千餘道公力言不可指悉利
源委洞然事得中止商民藉以不困秦人勒石誦德至今
過之者不啻如視山碑也公在臺十餘年章疏凡百十餘
士不能悉紀紀其大者如請嚴等威之辨以崇國體請召
勦覲各官陳奏地方利弊請復血刑以重民命請加賑救
災荒請定限招解題結以免無辜之枉陷請行鼓勵以收
西華縣志

卷之十三

藝文志

三

竊盜之實效又請先事預防之策以備水旱又謂銓選關
用入之大遲延長胥吏之奸請定限以除積弊又謂遊棍
之條例宜嚴請定議引律治罪以便禁緝皆上關國計下
係民風論者方之陸宣奏議尤治道之所切要者也

不合律呂悉為更正始得稱雅樂焉今

仁孝誠敬之意出於性生

之發必躬必親公相厥祀事嚴恭寅畏式謹莫忘

其功績可大用也

其功績可大用也

胡氏誌銘畧

理學和邑人

嗟吾慈嫡竟已矣天乎天乎既兩月塋具草備行祔吾先子之兆欲一志之而剝肝瀝血茫無一字磐石就陳庭中數經日數覩數眎宵結旦撰卒茫無一字將乞言於朋知則文言是聞幾留石人間從容異日如呂叔簡先生訓而石庸不稱吾志意無已從昏荒中畧言之用識歲月且以從涕夫吾鄉十年不知何以志先嚴鄉五月止舟不知何以序乞言今遂淺思鉤深研濤枯涸豈吾非昔吾耶嗚呼

西華縣志

卷之十三 藝文志

三

此際殆難此際殆難略曰嫡母胡陳郡清河胡似洲先生介女年十七配先子於茅城寡言笑不愛低昂人蓋能事吾大母泊曾大母云兩出皆女伯吾姊四吾妹先子少孤昧於生事家中落然未全貧割茅之舊土購業清河然不習生事故性也漸貧又割清河業貧且全移居華城又移陳移蔡又移舞陽母常獨處間隨行上蔡甘心糟糠塵土中無怨言蚤置副貳令乾坤有不肖鬯和者母志也脫簪珥佐皇駿未矣和同母姊兩人妹一人合鬯和四人母未嘗彈以指攝以目亦未嘗姝媛小德以餅餌貌言買子女

言曾無少與焉此於閭閻嫡庶間方古誰者可似之中
食母高厚或二十八九年如吾五妹或三十八九年如吾
三姊或四十一二年如吾冲姊其不可以歲年計與不知
幾何年如吾鬯和當其生也母無德意子女無德言懿親
骨肉皆不知母爲聖人知其概者於故舊爲凌逸休爲曾
心魯於通家爲洪元平餘無人也迨至今日母有餘於德
意子女仍窮於德言吾哭之吾冲姊哭之吾三妹哭之吾
五妹哭之較吾伯姊吾四妹殊甚吾內人關友之則又殊
甚是必有深感焉者誰其知之卽子女亦未能自喻之也
吾家人賦性無一不急隘中外親故腹不望者飛語影事

西華縣志

卷之十三 藝文志

三五

往往張弧載鬼嘗試吾骨肉之生之死淪墜苦趣廿年整
矣無闕日獨母寬和澹漠反昕夕有笑容子遇之孝婦遇
之順反脣輩遇之瘞極母生平似不見一可惡之人者故
吾一家之所食咸母德也卽鷄犬歌舞之而今已矣已矣
少於先子者一年壽於先子者八年矣而後先子者十年
崇禎辛未秋九月七日蓋七十之辰也鬯和爲之言序欲
以請諸阮大冲洪元平阮居太驪山赤書卒不得達洪子
報可文未裁入是冬嘉平望之明日立今年壬申春又四
日和攜家舟行於役召陵榜次沙水龍勝溝之東爲廿二
日遂大慚前此兩年母嘗困河魚矣但髮才白十之二三

齒軍無少動更卽衰羸當不慮此顧高愛少女依依不可
離鬯和游學於外不肯逐子征昨冬兩目俱廢乃時時促
鬯和就舟欲偕出直雲雪滄滯不得卽出輒祝天祈晴吾
從吾子召陵間猶健食燄入舟之夜雙目忽瞳瞳強半還
舊觀家人驚喜給試之遂能奔燈上光縉吾就眎則眸子
宛然微帶雲醫似飛帛拂之者闕明日遂至此何與何與
將蒙陰報與則胡不康晉期頤將無端然與則明胡以復
還吾思母明不還則沒也瞽也非瞶也鄰明也沒也則非
瞽也瞶也以考終以全歸蓋猶是當年行嫁茅城胡氏之
介女而終身不作一惡不苦一人不妄發一言笑此慈嫡

西華縣志

卷之十三

藝文志

三

之行也母於是可以無恨夫常年不外而此年外外矣而
雲雪阻於前不先不後不茅城召陵而在舟中母雖無恨
而鬯和之恨其誰能尋常之舟中彌留時顧家人曰吾舍
汝去矣又垂涕曰吾兒子如冰凌查兒子吾頓舍去自是
遂無言唯氣息奄奄漸無覺知安隱無豪髮艱危家人環
集候眎見點首微咲者再時已無知矣想母意中定有一
光景可憑可信可慰者在此故人天消息鬯和何敢妄忖
何敢譌注然予意中亦似有一光景可憑可信可慰者在
而不敢以告人也鬯和嘗讀旣絕乃哭書甚服古人學問
淵微審納至此情難堅忍不覺失聲時母已絕矣無知矣

聞哭聲攢眉者再又似有甚創於懷者雙泪冷澣滿髮絕
叫終天訣恨如斯如斯凡在人子且難下語於此際一慟
不足言也返棹東旋旅囊羞澁借之尹育蒼何勝癯王翼
宸尹紹伊曾心魯丘粲六約三十金河涯胡氏酬地直四
十緡家仲父借以成棺假於族貸於市得布三十餘疋草
成薄塋並志以昭頹俗厚誼題於戶曰無財不悅聯之曰
殊慈萬適學難如再世嬰兒鄰下慟哭雙眸滴不出遺魂
悽愴河干嗚呼千古化人雲集接代石言砂屯然則摘九
原之神理寫孤兒之哀怨續兩世之渺幽新一堂之離聚
者誰也矧予之苦幽迷昧魂搖心死者乎銘曰陽和生萬
有也不自功物亦未始庸之大地載萬有也不自勞物亦
未始報之吾再世不膝下誰其撫之人之言曰此故自私
其社者意皇天其不訝之唯吾一言自恠其多乃千百言
尙未盡予之懷豈志此者予序乞言者它耶於如何

劉鳳羽暨配于氏墓志

前人

始予應童試遇劉濬一於舊許北郭對案旅食兩不相識
食已散去更數年皆補弟子員亦未結納又十餘年予挾
策宿寨間濬一遣其弟景雲就予學因是得交又因之登
堂拜其尊人尊人滿面温抑忘機忘懷百稱長者近是又

四五年濬一捐資答亦牛馬不復聞不見長者入

年景雲亦復子... 子大生亦來就學乃長者暨其配于氏俱以老疾是年卒於夏比冬十月二十有六日景雲大生將卜兆安厝焉夫予於長者既三世素交又旅泊感愴老大風塵况存沒世誼回首今昨種種櫻心者乎則竊言予不敢辭長者世家西華下堤少丁危險茹艱辛備解古人齒折舌存義曰吾師吾舌不憂蜀道阪九折也飲水集木幾三十年一切濁氛化爲鄉裔性好佛法敬鬼神喜與人譚感應事其言幽明報復無毫毛爽每沾沾爲鄉里導諭若東方曼倩行徑周急解紛時切同體之痛白首無斃也畊田種樹本色澹

西華縣志

卷之十三

藝文志

天

遠有荷蓀丈人風氣閒披簡箒覽觀古今成敗善惡之蹟與夫荒忽幻怪探道出世之說聞兒輩呶唔聲則喜動鬚眉亶亶聽不倦凡農家者流多與學問隔長者獨愛與苦心學問人上下議論班荆挖杯陶陶兀兀居恒課子孫首拈心次拈學蓋昧心不可以名人失學不可以證心此外生產事絕口不道娶于于勤渠一生拮据家事成長者隱德長者常言吾隴畝足餐粥數椽禁風雨子孫猶識字令讀書種子不絕皆老妻從冰槩中栽種得出長者將沒前有里覲爲濬神降其家雪涕漣如云綠林未靖欲迎養二人於冥時于方健無恙衆咸誕之未幾竟先後相繼逝

應卜母朱氏男子二人曰岷曰京雲俱諸生學即友也
一也先長者沒女子一人孫男四人女孫二人曰天生廣
生岷出曰廣心廣德景雲出其婚嫁皆詩書家有文筆善
人齋理粵和曰誌有二壘莊陵笑某益劉義譏諛自漢唐
來世人仍之矣按長者蕭散近古則誌如是可矣景雲式
陵予式義哉是宜銘銘曰山可泉水可田維德親者不遷
嗚呼此理粵和之友劉岷者其堂上之牛眠也

王禹烈墓志

大學
李 壽

公諱鼎鎮別號半隱禹烈其字也先世自晉之洪洞徙西

西華縣志

卷之十三

藝文志

元

華而家焉遂爲西華王氏數傳而上公少負經濟才有高
節當時亂能憂其憂當世治能樂其樂蓋古君子也公髫
年失怙貧弱幾無以自立而勤苦方學不倦同邑先達胡
公隆字負知人名一見公文奇之決必售而公果於是科
登第蓋庚午辛未間云方明之季四方多故士大夫多持
祿自保罔盡心所事公獨慨然思以身爲障筮仕西安司
理凡折獄懲奸他人所極力表暴以博神明之譽者公聲
色不動務求得情故多所平反省試分校所取皆端士會
關中大饑流亡載道揭竿者雲起而郡守倅皆少員變且
不測公悉心籌畫日不暇食嚴約束招徠商賈人情

撫安交薦其能尋擢臺班巡按江北時事孔亟羽書旁午
公條奏機宜章數百上設方畧倡勇敢而穎毫之寇就擒
中外方議其功顧少忤當事意卒外補川北道未任改分
巡衡永時衡永殘破後兵民交敝公勞來鼓舞不期年井
邑復舊觀及擢鹽卿而去攀轅送者且數百里焉蓋公之
才效於用者如此

定鼎江南盡入版圖公時爲應天府承經畧洪公題授江
南臬副是時天下新定擢用賢雋超轉不次士大夫攀援
而不可勝數公獨恬澹不復有意當世莅任未幾乞
休歸迨次君成進士讀書秘閣改侍御終不一至都下退

西華縣志

卷之十三

藝文志

三

而修名山之業優游泉石者二十年所著有四書畧傲病
草南巡封事西華縣志半隱山堂遺稿諸編蓋公之晚節
可以風世又如此當侍御爲庶常時余教習史館朝夕周
旋知公生平無愧古人茲以侍御之請不可辭因爲誌其
大者嗚呼亦足以不朽矣公生於萬歷戊戌十月初二日
午時卒於康熙丁未八月二十三日辰時享年七十歷任
江南驛傳道按察司副使以待御遇

字德進階中憲大夫元配杜氏邑庠生杜元

...

雲南道監察御史

福建建陽縣知縣

戊子舉人張鳳翼女俱楊恭人出次適聖邑庠生聘亳州

守備李明昉女未娶卒側室劉氏出女三長適邑庠生段

有成男邑庠生用寬次適邑庠生張鵬翼男邑庠生尙友

俱楊恭人出次許字廣東興寧縣知縣張鳳翮男輪側室

劉氏出孫八光契邑庠生娶湖廣洞庭水師營守備于洙

女遵古出光臯邑庠生娶鄆城縣貢監生李坤女繼娶邑

庠生周惠民女光夔邑庠生聘鄆城縣庠生呂一元女光

尹聘鄆城縣庠生謝之煥女光萊幼未聘光奭幼未聘俱

西華縣志

卷之十三

藝文志

三

遵訓出光房聘邑庠生張輻女光魯聘鄆城縣庠生楊宜

昌女俱遵性出女孫三一適禮部主事宋逢泰男穉一幼

未字俱遵訓出一許字鄆城縣貢監生李坤男夢梅遵性

出曾孫大貞幼未聘光臯出曾孫女二皆幼未字俱光契

出卜以巳酉年九月二十四日葬於岡張村之新阡銘曰

古之君子出處語默不失其時猗歟王公先憂後樂庶幾

得之仕而物利學而性繕沒而聲施陵谷可更厥蹟不晦

乃徵吾辭

王湜菴墓誌

尙書

李天馥

王氏系出太原爲晉天族洪武初有舉進者遷於

學之孝城遂爲入塾一州之魁以精讀世其家歷光緒二十
至贈朝議公公鳴世一鳴世生中憲公鼎鎮字禹烈起家守
未進士累官監察御史出爲江南廉察中憲公生四子司
農公其仲也公諱遵訓字子循號信初一號湜菴與余爲
同年友故知公爲最徹公生有異稟沉凝端肅不妄嬉笑
自爲兒時已如成人稍長刻意讀書無間寒暑屢未嘗出
戶外公兄遵古以癸巳歲歿中憲公哭之慟曰繼吾家學
者此子今不幸夭矣王氏其不振乎公體中憲意益大肆
力於文章明年爲順治甲午登賢書乙未成進士越三歲
戊戌

西華縣志

卷之十三

藝文志

三

傳臚第一授翰林庶常公念

知遇之恩選館而後磨礪益力六經子史性情經術之書
靡不漁獵而風節凜然尤以匡維世道康濟斯民爲己任
故生平居官日久歷事

兩朝所在維國恤民飲冰茹蘖期不負忠孝二字而後已其素
所力學然也公初讀中秘書詩古文一以唐宋大家爲法
至國書國語尤精研力索故

御試及館閣諸試每以公爲之眉目

皇朝雜錄文學卷公特選

穎水冷冷山水種秀豪傑挺生德純學富出色文苑
奪壽學未壯行克昌厥後子孫繩繩

王召墓誌

前人

王君諱召字席璠敬菴其別號也早遊芹泮應庚辰貢

廷試首選入業禮雍季春偶邁恙遣人報若翁天章先生
翁聞之不安寢食命孫奇才輩具騶從往迎席璠還仲夏
抵家長幼兒孫聚首相拜而感亦隨之竟醫不收功考終
正寢安厝有期異才輩具狀求誌銘於余余按狀王氏世
業西華席璠高祖克明建文時昌邑令繼任臨淮令忠節
崇祀曾祖景茂甘隱弗仕祖子良任興化丞克承先志詩

西華縣志

卷之十三

藝文志

書衍派家世甲於宜陽乙亥冬余承乏茲教席璠日侍左
右容止莊重言論篤實隆師親友冠於多士精治葩經士
多授業於門下顯述制作理到之言也若翁春秋高邁隱
德備著爲鄉飲大賓席璠承顏順志克盡子職太孺人劉
氏先逝席璠哀毀踰禮事繼母張氏敬養益至宗黨以孝
稱誠以敦族信以孚友恩以恤卑幼事上接下秩如也夫
席璠德修行著學富名成宜享遐齡以收令終之慶惜子
天不假年一疾弗起命也訃音至余與同寅往哭之潛然

其哀痛之狀非筆墨之爲所能盡也

蓋異數也公外精明而內渾厚爲政必持大體有益於
者爲之必力有利於民者爲之必先如中州舞陽陳州諸
處舊食淮漕價重民貧公私交病厥後易淮爲廬民始不
困蓋公之力居多焉天下人無智愚咸拭目想望其丰采
而公偶以楚撫詿誤解組歸田怡然自得無絲毫得失念
介其胸中然其忠君愛國之誠又未嘗以去位故忘戀闕
之思也

天子嚮用舊臣班行之內老成持重如公者指未易一二屈
使公不病則旦晚且復起起必大用天下終欲以臯夔稷
契之事望公而公竟以戊辰之秋逝矣嗚呼慟哉公事親

西華縣志

卷之十三

藝文志

五

至孝溫定進止必溫必肅每謂顯親揚名乃人子分內事
於孝非有加也當中憲公爲狂生所誣釀滯跡山左時公
奔走道路力爲營解者二年事白奉中憲公以歸在翰林
日太恭人常貽以自織布曰清白家以此相寄差勝無衣
而已公愛而服之雖極垢敝不忍棄遺僕歸里必奉珍味
爲高堂壽蓋不欲以清貧貽親慮也兩親先後訃至哀慟
如不欲生殞殮葬祭曲盡其禮至病劇時猶諄諄以兩親
神道碑爲囑其至性篤孝如此公律已至廉生平不妄取
與一衣至數易其袂自官御史以至少司農霜清玉潔名
節矯矯殆與楊伯起之嚴四知先後同一轍也歸里之日

黨與族遇之以恩... 人有異... 賢又有... 贊俾其骸骨得歸... 文武鄉會試及

門公餘之暇不忘記述所著有廣敷彙考餘清軒詩集... 西華縣志 卷之十三 藝文志 三

相得數十年車塵馬跡與公共之或晦明促膝或風雨聯... 以爲報稱地而公今逝矣欲見其音容聆其笑語不可得... 年十一月初五日寅時卒於康熙戊辰年八月初九日辰... 配淑人崔氏前已酉科舉人福建建陽縣知縣崔公攀龍... 女子六長光寧歲貢生任考城縣儒學教諭娶監察御史... 李公豫孫女...

已舉人娶文學呂公一元女光尹國子生候選縣丞

娶貢謝公之煥女蚤逝繼娶文學崔公壇女俱崔淑人

光萊國子生娶中書科中書舍人張公贊明孫女文學

公錦女側室張氏出光奭選拔監生娶文學胡公其超女

崔淑人出光益幼未聘側室黃氏出女二長適禮部精膳

司主事宋公逢泰子國子生穉早逝次適文學胡公其超

子鴻臚寺序班承虞俱崔淑人出孫男四肇煇庠生娶經

筵講官工部尚書湯公斌孫女文學公溥女肇輝肇焯俱

幼未聘俱光臯出肇烜聘吏部考功司郎中劉公體仁孫

丙辰進士河南孟縣知縣公凡女光夔出孫女十一適武

西華縣志

卷之十三 藝文志

三

舉人候選守備張公圻翰子廩生文柱一未字一未字俱

光臯出一許字乙卯舉人杜公之叢子宗顯一未字俱光

夔出一未字光尹出一未字一許字候選知縣孫公石子

紹楚俱光萊出一未字一未字俱光奭出一門之內雍雍

濟濟所謂有德之後必大此其徵乎今於康熙二十八年

十二月十一日將卜葬於潁邑郭東之崗乃銘曰

啟運篤產名臣太原望族奕葉嶙峋遷於箕城起家中憲

我公繼之玉光燿燦公文煇峙公德淵凝人中鸞鳳為國

參苓在昔

藝文志

聖主嗣興臣心百鍊公初侍從史筆以伸公後司諫疏草以焚
諤諤端方侃侃正直以張國維以培氣節寬程請命恤獄
平冤人心國脉以

兩朝忠懷貫日間及著書聖賢可贊克家多子繼繼繩繩知公
惟我大書典型勒此貞珉

君恩祖德以詔萬年永無窮極

洪冷漁墓志

邑人胡徽

洪先生本江右人也明之季其父以醫術流寓於陳先生
旋又卜築於西華畢家口之河西於自扁其居曰萍莊取
萍水相逢之義也初度之辰其父夢唐清晝禪師造其廬

西華縣志

卷之十三

藝文志

三

乃名之以清晝字之以心禪而元平冷川則又其別號焉
與先湄園公及理寒石桑五文諸公交最深每相聚會輒
旬月不去文與字畫傾倒一時兵燹之餘皆散佚不可見
獨詩尙有存者溫厚和平有二百之遺意列之唐人則各
成一家無多護焉於乎世無知言者得不以我爲失言乎
里中諸君子傷名士之墓淪於荒烟野蔓而不可復識也
乃約捐貲修墓植木立石聊寄景仰之思以爲久遠之計
不知後死者誰復能繼此志也

李藩野墓碑

前人

西華茅城李氏與余家里居相望壤地相錯

而情意融怡如兄弟相爲往還綢繆密邇雨檐雪窻者
爐烟之際澗竊見公抵掌掀髯高談霏論於當世人情
理及生氏利弊事勢機宜皆如燭照而數計之先王父志
折意許以爲一世之人豪而非獨爲李氏之傑出也爾時
澗猶少未能悉公胸臆之所蘊蓄及漸長每側■緒論時
叅末議而亦不以爲不可私以爲前輩典型可與商確今
古者其在公乎■何而公與先王父相繼捐館舍閱二
十餘稔嗣君乃克■葬事而以納■之石言見委澗不能
以無文辭因舉公之生平而略述之公孝友性成丰格俊

西華縣志

卷之十三

藝文志

三

偉厥肩修髯才果力確其先世或隴西歷城莫■支派泊
迂於華爲巨族世有隱德寒心先生公從伯父也文學足
於一世公之考庠生諱安和字賡唐富好施樂善不倦晚
年德彌邵兼研精二典舉丈夫子二長諱作楨字籓野邑
庠生公其季也由庠生入太學諱作幹長公之歿也先公
二十一年公之侄太學生完璧懷一歲未及週公撫之恩
義兼隆及今而懷一承公之餘廕受族長重任公正俠爽
同異族姓無不嘖嘖然稱道懷一爲人中麟鳳者皆公之
家法有以薰陶而漸染之也先是公爲族長凡族中有是
非曲直爭論不平■於公以片言判之無不允服其

有桀傲剛愎之夫臨公之節卽斂手側足以自就於約束
是時先王父以爲同族所推戴吾兩家少壯子弟逞氣血
決法律以相抗者終不至隕越蕩軼於軌物之外公與先
王父力也而公之豪邁剛健樂義勇爲先王父每嘆以爲
弗及歲值凶歉有無賴者窩匪草竊鄉黨患之公授謀於
邑校尉且助之力直搗其巢殲其魁而患乃盡息先世固
饒餘而公益恢廓充實之鄉里族黨有借貸力不及償公
卽焚券棄債坦然不介於懷有求濟無弗酌與之生平遇
不義事見不義人目眦髮指有古俠士狀以故人多愛戴
而卽有嚴憚之而不敢輕犯者公之言行丰采約畧如

西華縣志

卷之十三

藝文志

三

是孺人爲滯從高祖文學諱然世所稱涓園先生之孫女
文學苞生諱令章女也婉柔嘉克敦婦道得堂上之歡
大小閭政悉稟承於夫子而爲之相而助之已無弗就理
蓋一遵以順爲正之訓而故守之歟嗚乎彌衡不遇趙
壹無祿自昔賢豪抱其奇備可用之資屈於無所試而終
老於草莽閭巷間者可勝道哉以公之明敏足以理煩劇
也出宰百里當亦如古循吏政績卓卓可澤生民而傳後
世卽不然而挾勇畧運其機謀以制勝於疆場建功於力
埤亦所易易乃都不可得而僅小試其手反之才矣一
姓之衆使各安其尊卑大小無所傾軋而已

帝之氣躋亦但微露其端倪而為鄉黨鄰里所矚目者
至其胸中之所蘊蓄而向為先王父所許為一世之人
者究無所表著止成其為李氏之傑出焉已矣豈不可
也耶而且嘆天不憖遺殲厥善良方及中壽遽返初服
李氏之族不得長被其恩膏鄉黨咸知不得親警欬而沐
德教卽澣以葭莩之末追承風旨每憶與先王父促膝談
心時皤皤二老楷模後輩而今者先王父之墓木已拱乃
復搦管濡毫以志公之行也懷賢清淚能勿淋浪沾裳也
哉公生於順治十四年四月初十日卒於康熙五十四年
正月二十八日享年五十有九孺人生於順治十六年六

西華縣志

卷之十三

藝文志

四

月初二日卒於雍正四年六月初十日得年六十有八哲
嗣三人長諱完珍字抱一邑庠生次完璘季完玠太學生
女二人孫五人百魁完珍出百龍百鳳百行完璘出百成
完玠出曾孫一人毅百魁出孫女四人婚配皆名族

張楚生暨妻錢氏墓志

淮寧

錢廷文

西華有文士曰張楚生先生二十七歲而歿降年不永邑
之人士至今惜之配錢孺人則以今年五月中卒距先生
卒時三紀於茲矣余於先生為婚家子姓以故知先生行
實特詳先生諱文麟楚生其字世為西華人曾祖善文前

五歲而孤深嘆家學曠墜閉戶自精開卷獨得米鹽靡密之務不以關心每綴一文必能曲盡其妙士友之見之者咸曰夫夫也離蔬釋躋易於决流抑墜耳先生亦愈益自奮三餘靡失然終以羸疴善病盛年而殞嗚呼悽矣當先生疾革時孺人作嬪有年侍湯藥唯謹先生顧孺人言曰人孰無死顧有母在奈何不幸又無子息二者吾遺恨也言已因欷歔泣下孺人亦俛首而泣孺人者余曾叔祖晉侯府君之女也婉順得婦人道先生歿孺人魂亡魄失每念先生易贊時誣諉之語則噉然以哭時時於婦妯中宣言曰吾豈不能投帛於棟從夫子於地下哉第言猶在耳

西華縣志

卷之十三

藝文志

學

奈何乎忘之且夫死無子而聽爲若敖之鬼也可乎當是時楊太孺人尙在堂孺人進愉薦欲奉以終身又謀之親屬爲先生置後猶子錦賢而孝孺人撫之如已出當孺人歸先生時先生已補博士弟子員余聞之故老晉侯府君生平伉簡於人少所許可獨於先生之名遊揚不置常進子姪輩謂之曰觀張子楚生閒舒都雅雖在綺繡紈袴之間而能溫顏遜詞不脩廉隅賢於世之俗子弟遠矣聞者咸以其言爲不謬云先生又嘗與善相者游相者曰君狀貌殊戍削惜也精爽烟浮三九之數君之厄會也先生心

之已而卒如其言嗟乎士之抱寶懷珍壽命不究於高

刊落存詞不欲爲尋常諛慕之文者其深矣
私而初不係乎葭葦之親也先生之子錦國子監生亦
於錢則余之從姑也姑早亡女一適扶溝杜氏以峻節
聞孫一淑聘胡公國學生諱可相女孫女二長字扶溝
選縣丞杜公諱宗郊孫開第次字黃安縣知縣王公諱
明曾孫心海先生生於康熙九年十一月初一日卒於
熙三十六年五月十五日孺人生於康熙九年四月二十
四日卒於雍正七年五月五日卽以是年十月十九日
西華縣志

卷之十三

藝文志

聖

葬於村西河陰之新阡廼爲銘曰膊膊者地蒼蒼者天
之無祿命也溘然霜凋玉樹瘞之窮泉我思婺母涕淚
漣形存志殞終三十年佳城鬱鬱於彼新阡金銷石泐
此瑤鐫所不盡者神理縣縣

高崐墓志

張

曾

太

公諱崐字虞峯華邑之名族也曾祖諱國植祖諱鳳鳴字
傳于父諱廷歷字宗子康熙甲子科舉人候選守備生
子公其仲也余家與公世通姻好故於公行館知之最悉
公性聰敏好詩書方弱冠卽遊泮嶄然見頭角已爾
淹貫所爲文章證據今古出人經史百子貫通

且天性孝友... 弟于瞻視形聽聲... 好無尤方之古人無多讓也... 所以成公之德而與公之... 孝友同一嘖嘖人口者則有淑人魏太君之內焉公之... 清也淑人卽叅以色養公之敦睦也淑人必將之以... 則是咏蓼莪歌棠棣相夫子以盡婦道者淑人誠中... 之備也至於教子一節尤爲嚴肅有法延師督課殷... 誨長君堯章以進士侍衛 御前今任武清管游擊人... 皆知公義方之教而不知朝提命日夜化導淑人實以慈... 母而兼嚴父者也堯章旣留官京師公與淑人眷屬共赴... 京都自是而公之義聲播於畿甸矣余於退食之暇時修

西華縣志

卷之十三

藝文志

聖

請謁公誨余曰夫人以身許國自宜精白乃心克盡臣職... 余拜領斯訓銘刻不忘卽淑人亦以通家子姪相待常謂... 余曰女與煥兄弟也又兼兒女姻戚其同心協力共勤王... 事煥有不逮者汝必無忘欲助之余行能無筭何足裨堯... 章之萬一而公與淑人殷勤款眷之旨如此此與至親骨... 肉何啻焉公居京師數載見義勇爲風采凜然其他未能... 殫述就余所親者如同邑王君怡亭赴都需次公多方伙... 助留之邸第解衣推食進年如一日再若永城劉君展畧... 唐縣張君君依高君殿選會試來都公一見卽以國器許... 之軍馬器服所以資給之者良厚未幾二君咸登進

劉君展畧獨八侍宿衛... 康進士王君觀光者以復補需次都中公與余稱贊四百
金情勝槩迴山流俗若此類者皆艷稱於學士大夫之口
而公未嘗一語及之卽魏淑人亦曰作養人材成就功名
與夫哀王孫而進食伶孤寡而施恩皆人職分之所宜爲
者願夫子好爲之棄嗚呼公與淑人幼弱燾後培植德門
者若此宜其享壽百年備受純嘏之錫而乃年虧大耋相
繼隕逝天之所以報有德者固如是其多嗇乎然公與淑
人旣受誥封光寵矣堯章復以英年鵲起自奮於功名之
會異時勛猷爛然霞蔚雲蒸天之所以報公與淑人者正
西華縣志

卷之十三 藝文志

器

未有艾也今卜葬有日堯章不以余謫陋無文使誌隧道
之石余辭不獲爰作斯銘以志景仰之思焉

賦

知已賦 并序

梁濟陽江 淹 字文通

陳國之華者故吏部郎殷孚其人也博而能通學無不覽
雅賞文章尤愛竒逸雖志隱巖石而名動京師矣才多深
見氣有遠度雖安期千里不能尙焉始於北府相值傾蓋
無已僕乃得罪嶠外遐路窈然始還舊都會君尋卒故爲
賦以寄深哀

續文苑 卷之十三 藝文志 西華縣志

染金枝之末光登孤嶺
師而心鏡羣籍理不啟問而情炤諸客採圖辨緯遊機
曆潛志百氏沈神六經冥析義象該洽性靈儒不隱迹墨
無遁形既含道潤亦發才華采耀秋月文麗冬霞有體有
艷光國光家識包上仁兼高行如彼清波可挹可鏡又
象冲宰惟清惟淨氣擬北海情方中散風流未輟盛名猶
纂英馳芬激譽流聲滿我筠心而松性君金采而玉相伊
邂逅之未遇爰契濶於朱方丹瓊譬而非寶綠蘭比而無
芳每賞矜其如契貴懷允而不忘亟閒席兮惆悵屢緩帶
而從容論十代兮興毀訪五都兮異同談天理之開基辯
西華縣志 卷之十三 藝文志 五

人道之始終罄龍圖及鳳書傾蒼冊與篆字儲西國之闕
文採東京之逸記閱歆向之舊旨闢鍾王之新意對楚漢
之瞻墨覽魏晉之鴻策授遠近之真假削古今之名實每
齊韻而等逕輒同懷而共術吐情志而深賞忘年齒而隆
眷擬余才兮前華比余文兮後彥余結袂於山石君憑神
於寒霰何遠期之未從痛戡景其如電堂酒兮一塵暮燈
兮萬春黛兮永祕朱丹兮何晨聞瑤質兮可變知余采
兮 奪唯華名與芳暉兮爭日月而無沫

使朝鮮謁箕子廟賦

明 王敬民 邑人

維震符之嗣 兮慶溢於八埏奉天命以肅將兮宣播於

曠鮮顧聖矩之彌長兮瞻廟貌之巍然羌東徼之濶北
儼亟夏而不愆郁郁乎有美兮乃歷服之綿延沐大造而
砥礪兮恂道脈之周旋憶成湯之纘禹兮贍聖賢之相傳
何獨夫之適丁兮豈戾運之自天恣炮烙而罔恤兮於典
刑而倒顛師其隱忍而盤桓兮遂蒙難而屯遭恐君過之
或彰兮斯徘徊而含垢保明哲以全身兮卽佯狂而可歎
患衷情之莫揆兮托七絃以自奏惟用晦以爲明兮冀日
月之孔牖乃周武之揚戈兮見牧野之師陳茲歷數之旣
改兮爲有商之逋臣衍洛書之秘旨兮剖大禹之精神建
封國於朝鮮兮示不臣而作賓俾東人之胥化兮表海邦

西華縣志

卷之十三

藝文志

巽

之人倫定平壤而胙土兮仰何陋而同仁斯大道之一軌
兮固世世而咸淳惟我明之富有兮合萬類而拱辰洵帝
德之廣運兮舉含濡而屈伸余簡日而謁款兮念粉榆而
纍然如晤仰 爽若洋洋兮慨德輝而確然仰觀瞻朱闕
飛覺兮連白嶽之雲路見澄江如練兮遠元之而孔固功
德崇報於無疆兮歷千禩而篤祐亂曰惟夙昔之寤寐兮
乃萬里之顧瞻兮恍神爽之依稀兮悟大道之一軌兮

本府集

題和

也乎乙丑之春讀書劉映璧秀才之還園感未可
藥盛開因作賦寄意一洗從來之恨其辭曰

何世外一天人兮踏孃孃之春陽含千秋之情事兮託風
煙以隱腸尋晤語於同心兮迺就予江花之野挾策之傍
羗玉步之瓏瓏兮度虛室之幽香臆感予以久聽兮揩淚
徑而悵快愾夢夢之下土兮奉成說爲低昂矣重瞳於中
天兮橫獨論而堂堂歷墨苑以莽墟兮目旣蒿而未央富
貴宜衆奪予蓮房智巧便佞眉山飛霜誰愛沈香之亭誰
羨百花之王付點翳於前後嗟疊恨於孤芳若乃幹挺金

西華縣志

卷之十三

藝文志

七

鍤笑蘭茗之癡媚萼蒸雲霞悼筠檜之徒剛備員藥籠投
刀圭而報績轉瞬飄墮悟消息之靡常憶受苔於金輪兮
羣卉訾其乖方不先時以開捷兮甘流滯於洛陽省嫖節
之嶽嶽兮魚頭失其翫醜衆織美以敷韻兮吾將以棗棗
白荒也泣玉亦吾之所醜兮悲夫人情之不識否藏也至
如倚風啣月象拍金簧雕欄錦翠緩咏飛觴添酒過於風
流聊以聽吾之短長予也把其袂揜其裳慰顛倒於世情
消孤憤於悲涼魑魅公行於白日鴟鶚重臺於鳳凰謂南
朔而北越指地元而天黃哀我八斯胸棘面牆我結想寒
山之石壁女何續大院之猖狂天人長瀟而飛翔兮留餘

響於夢寐渺相想而難忘

西華縣志

卷之十二

藝文志

四

